

回族和中国伊斯兰教古籍资料汇编

天方至圣实录年谱

天方至聖實錄年譜

回族和中国伊斯兰教古籍資料汇编

天方至聖實錄卷之十七



滇南馬 注著

金陵劉 智註

至聖讚

有天地而後萬物生有日月而後天地明有聖
人而後教化興

此言聖人與天地合德與日月合明而與天
地日月同功也以實言之生聖人卽以補天
地日月之不逮也天地日月形其表聖人神

其理者也。

隋唐之際，異端蠡螋鳴羽，西方紀綱廢而尊卑
倒，貴主折節於閭黎，教道衰而真傳隳，編民稱
尊乎釋梵。

蠡口蜜芒毒，螋內污外刺，蟬鳴鼓翅驚人，皆
喻異端邪說之不可近也。自異學行而正學
衰弱，人綱國紀顛倒混亂，君君臣臣父父子
子之道不可問焉。以故君親反拜，貴賤瀆倫，
庶民止知有佛而不知敬畏天命大人矣。

普天長夜目瞽耳聾賢愚爲之失路仙神爲之
靡依日月爲之失明乾坤爲之減色

異端一熾聖學不明雖有天地不足以位尊
卑雖有日月不足以爲明照是非顛倒人心
惑亂莫之適從矣經云聖人者天地之燈其
謂此歟

若世亂紛爭罔知其主

周代八百諸侯皆各主其主而不知周天子
爲天下之共主也諸家禮天敬地拜佛祈神

而不知敬事造化天地神人之主爲真主亦猶是也

大哉聖人命立天地之前挺生萬聖之後

天地未有之先萬理具足而吾聖之命爲萬理之根原天地旣形之後萬聖代出而吾聖爲萬聖之封印所謂集大成也先天而天弗違後天而奉天時其在此歟

泥丸毓秀仙樹登名

天地初闢人祖肇生額嵌寶光卽吾聖之元

形也。普世之人皆始于一點。所謂種子也。此百千萬億點皆藏於阿丹之脊背。惟吾聖之一點嵌于阿丹之額頂。所謂泥丸宮也。傳曰：普世之人根于普地之土。吾聖之元形乃天堂之香泥也。天堂有樹廣大無量。枝葉婆娑。葉皆著吾聖名號。而天堂諸有皆頌讚之。

感神光於鼻祖肇元命於先天。

鼻祖阿丹爲開闢天地之祖也。傳曰：惟鼻孔先開以喻阿丹也。人懷母腹中諸竅皆閉。人

祖初生遊歷諸天見天額云穆罕默德是主
欽差不知其爲何世何人真主勅命曰乃爾
之子孫萬聖之領袖也阿丹思見其人命下
曰卽汝當體有其元形舉指可見阿丹遂舉
食指額上泥丸之光映於指甲而于甲鏡之
中見聖光焉元命者萬命之元卽先天萬理
之根原也大哉乾元至哉坤元資始資成之
謂也

聖哲天縱鍾靈異於初生

吾聖生而神知不學而無所不通初生卽掩
面遮羞躬叩真主口呼教生執印取鑰讀主
頌名行禮尙右不嬉不戲不近佛室不觀祭
賽孩提時儼若成人

德化神奇兆祥光於東土

隋文帝時天見異星太史占之曰西域有大
聖人出使使求之聖使鎖哈白偕使來東敕
建懷聖光大寺於番居之

番州廣東省城

動星辰犯火水會百川而中注

吾聖初生，妖星亂墜，夷火乍熄。夷火者，拜火人所熾之火也。正當熾灼，聖人生，倏皆熄滅。人不知其故也。天下有四海，居大地之四圍，有中海，居大地之中央。中海之水，恒流於東西南北四方。當吾聖生時，四海之流皆中注，萬海朝宗之意也。

崩帝闕，殛象兵，驚鬼神，以夜號。

聖初生時，啓思喇王之宮殿崩塌，啓思喇無道君也。後因不信聖教，遭神殛死，此先兆也。

厄卜爾海北 涉王之逆族也欲毀克而自以
象兵來勢甚 凶湧真主命小鳥啣沙子擊之
人象俱死正當聖初生際也時天下邪神惡
鬼聞聖人生咸驚泣夜號相謂曰大明獨世
陰魅不能爲用矣

佛仙倒塑證聖天符

聖人生天方之佛像倒撲於地遠譯之佛像
祈禱無靈凡稱活佛者皆啞啞失智一切術
數占卜之事皆凶吉成毀反常無應當此之

時天下萬國皆毀淫祠廢佛像驅逐僧尼道士知其無所用也聖人之生應天順時與古經所載之年月日國土名籍及一切祥徵瑞應無不符合是以古今稱之爲聖天下服之爲聖卽聖亦不得不自任之也

肉印光瑩靈雲頂覆

吾聖胸臆之間生有肉阜如印蒼質赤文曰奉天闡化見者莫不傾服其爲聖行止之際有白雲覆頂人亡其處視白雲卽得

香馥馥以侵衣、蠅脩脩而避體、

吾聖身發異香、透體襲人所到之處、留香三日不散、蠅不近體、蓋蠅不歇至潔處也、更畏馨香、

若夫迴父照分圓月、感萬衆以輪誠、

戰陣快睹禮日、已入地聖亟跪禱曰、主也、若爾慈憫衆生、事當若何、日忽躍起、高地三竿、逆寇難聖曰、若道果真、月可破乎、聖默祈於主、月忽兩開、良久乃合、由是千萬人感服順、

教

歷幽明親對越登九霄而直上

九天七地之所在有色界無色界無無色界
聖於一霎之際遍歷無遺亘古通今之事已
往者未來者現在者今世一切所有後世一
切所有賞罰善惡以至萬有歸復之竟聖於
一頃之時脩覽無漏而于九霄之上對越真
主親聆妙諦凡一切禮制威儀垂萬世而不
易者皆于此際定焉識者曰聖人登九霄而

見主猶寶鏡出匣而爲照也非主在九霄之上也主無方位也

懸石作千年之證京魚杜衆庶之疑

吾聖登霄乃由古天房踏石而上石隨足起棄石而登石遂留於空至今不墜見之者莫不驚鯨不敢過其下留以作登霄之一證當時聖登霄還述其所歷所見士有疑者謂一霎之間何得遍歷如是事多歸第見婦剖魚取水河邊俄變爲美女會王子獵取之歸十

餘年生數子，富樂極矣。偶憶往事，倏復原形。慌逃河邊，水器仍在。亟提水歸，婦尙烹魚未熟。大駭趨聖。聖尙講登霄之事，未竟舉其所歷。聖命記之，以作登霄所歷之一證。補白克先賢曰：聖人之事，一瞬千秋，萬古一夕，安可與衆同語。聖人曰：真主尊前無晨夕也。

大道於是方興，智人因之始悟。

自爲聖至登霄，近十二年，其立教行事之禮制尙未大定，亦未盛行。迄登霄而後，則人心

大定教道風行遠國之人多來歸服何也千古未見之事於登霄見之千古未明之禮於登霄明之愚人不可以言解而智者復難以理諉故聞登霄之事不能不心折而順服也

大哉聖人教闡千聖之後道徹天地之原

拂菻國王行二氏教遣使謁聖問造化根原歷代因革答之曰萬化起於真主萬教歸於末聖王大服曰聖人教闡千古之後道徹天地之原